



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1858**

DLVII. Kurfürst Joachim's Schadlosbrief für Stendal über für ihn aufgenommene 2000 Gulden, am 15. Januar 1516.

---

---

**Nutzungsbedingungen**

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

Grethen, siner ehelicken Hufsfrowen, vnd öhrer tweer Rechten Eruen Achtheindehaluen Rinsche Gulden jährlicher Tynfse vnde Renthe vor Verdehlfhundert Rinsche Gulde an Münthe, twe vnd drittich Groschen Merckischer geringe vor einen Gulden, de wy von öhme vulkommen empfangen etc. — Geben im Vesteinhundertsten vnd Sesteyenden Jare, Freytages na der hilligen dryer Konige dage.

Aus dem Copialbuche des Annen-Klosters.

DLVII. Kurfürst Joachim's Schadlosbrief für Stendal über für ihn aufgenommene 2000 Gulden, am 15. Januar 1516.

Wir Joachim, von gottes gnaden marggraue zu Brandenburg etc. —, Bekennen —, Als vnser liebe getrewen Burgermeistern vnd Rathman vnser Stadt Stendall auff vnser ansuchenn vnd Begeren, vns vnd vnser Herschafft zu nutz, willen vnd fromen, zwey tausent gulden an muntz, Als nemlich Sechs hundert gulden bey dem Capittel Sant Nicolaus kirchen zu Stendell, funff hundert gulden bey den vicarien derselben kirchen, Anderhalb hundert gulden bey dem dechand Eren Matheo Moring, doctori, zwey hundert gulden bey den vicarien sandt Jacobs kirchen, hundert gulden bey den vicarien sant petters kirchen, vierthhalb hundert gulden bey Merten Brunkow vnd hundert gulden bey Claus Tornow inn vnser Stadt Stendell, auff einen widerkauff auffgebracht, sich darfur vor sich vnd Ire nachkomen vnd dauon Jerlich, dieweil der widerkauff stet, vor das hundert funff gulden Zins zugeben, Nach laut Ires kauffbrieffs verschryben vnd vnns die geantwort, welche wir furder In vnsern vnd vnser Herschafft nutz vnd fromen gekart vnd gewandt haben, der wir sie auch hiemit quidt, ledig vnd lofz sagen, vnd verweisen genante Burgermeister vnd rathman vnser Stadt Stendell vnd Ire nachkomen, Inn krafft vnd macht dytz brieffes, sollichen Jerlichen Zins, so lang der widerkauff stet vnd wir oder vnser erben die hawptsum, obberurt, nicht ablofzen, aufz vnsern gefellen des Biergelts zunemen vnd furter den angezeigten zu iglicher Zins Zeit zu entrichten. Wurden auch Bemelte Burgermeistere vnd Rathman oder ir nachkomen an der hawptsum oder Zins einichen schaden dulden oder leyden, der beweyflich were vnser nicht bezalung halben; So gereden vnd versprechen wir auch hiemit vor vnns, vnser erben vnd nachkomen Sie des in alweg gertzlich vnd gar zubenemen vnd schadlosz zu halten, getrewlich vnd vngeuerlich. Zu Vrkundt mit vnserm anhangenden Ingesiegel versigelt vnd Geben zu koln an der sprew, Am dienstag nach Octauas Trium Regum, In funffzehnhundertsten vnd Sechzehenden Jaren.

Tomas krull,  
decanus In Coln.

Nach dem Originale des rathhäuslichen Archives.